



## O'ZBEKISTON RESPUBLIKASI VAZIRLAR MAHKAMASINING QARORI

20 26 yil « 28 » yanvar

№ 34

Toshkent sh.

### **Узлуксиз таълим тизимида ёшларни миллий қадриятларга садоқат ва ватанпарварлик руҳида тарбиялаш самарадорлигини ошириш дастурини тасдиқлаш тўғрисида**

Ўсиб келаётган ёш авлодни миллий қадриятларга ҳурмат руҳида тарбиялаш, узлуксиз таълим тизимида ягона ғоявий тарбияни шакллантириш, ёшларнинг интеллектуал салоҳияти, онгу тафаккури ва дунёқарашини кенгайтириш, ватанпарварлик, халққа муҳаббат ва садоқат фазилатларини ривожлантириш мақсадида Вазирлар Маҳкамаси **қарор қилади**:

1. Қуйидагиларни назарда тутувчи Узлуксиз таълим тизимида ёшларни миллий қадриятларга садоқат ва ватанпарварлик руҳида тарбиялаш самарадорлигини ошириш дастури (кейинги ўринларда – Дастур) **1-иловага** мувофиқ тасдиқлансин:

мактабгача, умумий ўрта, ўрта махсус, касбий ҳамда олий таълим тизими (кейинги ўринларда – узлуксиз таълим тизими) ташкилотларида ягона миллий тарбиянинг яхлит тизимини яратиш, Ватанга садоқат ва фаол фуқаролик позициясини шакллантиришнинг вертикал тизимини амалга ошириш;

Дастурнинг асосий ғояси, мақсад ва вазифаларига эришиш учун “Миллий тарбия модели”ни амалга ошириш;

ёш авлодни миллий қадриятларга садоқат ва ватанпарварлик руҳида тарбиялаш бўйича аниқ механизмларни жорий этиш.

2. Белгилансинки:

а) Дастур уч босқичда амалга оширилади:

**биринчи босқичда** – мактабгача таълим ташкилотларида тарбияланаётган 3–6 ёшдаги болаларга миллий ўзлик туйғусининг ривожланиши, ўз хатти-ҳаракатларини бошқариш ва ўзини намоён қилишга интилиш, теварак-атрофга муносабат кўникмалари сингдирилади;

**иккинчи босқичда** – умумий ўрта таълим ташкилотларида ўқиётган 7–18 ёшдаги ўқувчиларда буюк аждолларимизнинг маънавий меросини чуқур ўрганиш, ўзига ишонч, мустақил қарор қабул қилиш, соғлом дунёқараш, бағрикенглик, бурч ва масъулият фазилатлари шакллантирилади;

**учинчи босқичда** – ўрта махсус, касбий ва олий таълим ташкилотларида билим олаётган 16–22 ёшдаги ўқувчи ва талабаларда миллий қадриятларга ҳурмат, Ватанини ҳимоя қилишга тайёр, ҳарбий хизматга шай, фидойи шахсни тарбиялаш, Ўзбекистоннинг жаҳон ҳамжамиятидаги ўрни ва нуфузини юксалтиришга ўз ҳиссасини қўша оладиган фаол фуқаролик позицияси ривожлантирилади;

б) барча таълим ташкилотларида ҳар душанба кuni **“Келажак соати”** дarsi ўтилади.

Бунда:

долзарб мавзулар доирасида дарс сценарийлари асосида контентлар яратилади ҳамда **“milliytarbiya.uz”** электрон платформасига жойлаштириб бoрилади;

**“Келажак соати”** дарсларини ўтувчи педагог ходимлар учун мақсадли малака ошириш курслари ташкил этилади;

в) Дастурда белгиланган вазифаларга эришиш мақсадида Ўзбекистоннинг **Миллий тарбия модели** ишлаб чиқилади;

г) ҳар йили маънавий-маърифий ишлар бўйича масъул раҳбар ва педагоглар ўртасида **“Миллий қадриятлар тарғиботчиси”** республика танлови ўтказилади.

3. Мактабгача ва мактаб таълими вазирлиги Олий таълим, фан ва инновациялар вазирлиги билан биргаликда:

**2026 йил 1 июнга қадар** Ўзбекистоннинг Миллий тарбия моделини;

**ҳар йили 1 сентябрга қадар** маънавий-маърифий тадбирларнинг намунавий иш режаларини тасдиқласин.

4. Узлуксиз таълим тизимида ёшларни миллий қадриятларга садоқат ва ватанпарварлик руҳида тарбиялаш самарадорлигини ошириш дастурини 2026 йилда амалга ошириш бўйича **“йўл харитаси” 2-иловага** мувофиқ тасдиқлансин.

5. Мудофаа вазирлиги Мактабгача ва мактаб таълими вазирлиги, Қорақалпоғистон Республикаси, вилоятлар ва Тошкент шаҳри ҳокимликлари, манфаатдор вазирлик ва идоралар билан биргаликда:

**2025/2026 ўқув йилидан бошлаб** **“Жасорат мактаблари”** ўқувчилари ўртасида икки босқичдан иборат **“Жасорат учқунлари”** ҳарбий-ватанпарварлик ва спорт мусобақасини ўтказсин;

**2026 йил июнь ойида** таълим ташкилотларидаги **“Ватан таянчи”** ҳаракати аъзоларининг **ҳарбий-ватанпарварлик форумини** ташкил этсин.

6. Олий таълим, фан ва инновациялар вазирлиги Мудофаа вазирлиги билан биргаликда талаба қизлар ўртасида **“Тўмарис издошлари”**, талаба ўғил болалар ўртасида **“Амир Темур ворислари”** номли ҳарбий-спорт мусобақаларини ўтказсин.

7. Мактабгача ва мактаб таълими вазирлиги Олий таълим, фан ва инновациялар вазирлиги, Маданият вазирлиги, Ўзбекистон маҳаллалари уюшмаси, Республика Маънавият ва маърифат маркази ҳамда Ёзувчилар уюшмаси билан биргаликда:

“Келажак соати” дарслари учун миллий контентларни ишлаб чиқиш жараёнларига, шунингдек, “оила – маҳалла – таълим ташкилоти” ҳамкорлик механизми асосида таълим ташкилотларида китобхонлик кечалари ҳамда маданий учрашувларни ташкил этишда таниқли театр ва кино актёрлари, фаол жамоатчилик вакиллари, шоирлар ҳамда ёзувчиларни жалб этсин;

ўқувчи-ёшларни интеллектуал, ахлоқий, маънавий-маърифий ва жисмоний жиҳатдан ҳар томонлама ривожлантиришга йўналтирилган лойиҳаларни амалиётга жорий этсин.

8. Мактабгача ва мактаб таълими вазирлиги манфаатдор вазирлик ва идоралар билан биргаликда **ҳар йили 1 декабрга қадар** Дастурни келгуси йилларда амалга ошириш бўйича тегишли “йўл хариталари” лойиҳаларини ишлаб чиқиб, тасдиқлаш учун Вазирлар Маҳкамасига киритиб борсин.

9. Вазирлар Маҳкамасининг “Умумий ўрта таълим муассасаларида маънавий-маърифий ҳамда тарбиявий ишлар самарадорлигини ошириш концепциясини тасдиқлаш тўғрисида” 2022 йил 3 октябрдаги 558-сон қарори ўз кучини йўқотган деб ҳисоблансин.

10. Ушбу қарорнинг бажарилишини назорат қилиш Ўзбекистон Республикаси мактабгача ва мактаб таълими вазири Э.Г. Каримова ҳамда олий таълим, фан ва инновациялар вазири К.А. Шарипов зиммасига юклансин.

Ўзбекистон Республикасининг  
Бош вазири



А. Арипов

## **Узлуксиз таълим тизимида ёшларни миллий қадриятларга садоқат ва ватанпарварлик руҳида тарбиялаш самарадорлигини ошириш ДАСТУРИ**

### **1-боб. Умумий қоидалар**

1. “Янги Ўзбекистон – Учинчи Ренессанс сари” ғояси асосида узлуксиз таълим тизимида маънавий-маърифий, ўқувчи-ёшларни миллий қадриятларга содиқлик, ватанпарварлик руҳида тарбиялаш, жамиятда бўлаётган ўзгаришларга дахлдорлик ҳиссини шакллантириш зарурати юзага келмоқда.

Мазкур Дастур ёш авлоднинг интеллектуал салоҳияти, замонавий билим ва кўникмаларни эгаллаш, уларда “Мен ўзбекистонликман” деган фахр туйғусини шакллантириш, халққа муҳаббат ва садоқат туйғуси билан яшайдиган комил инсонни тарбиялашнинг устувор йўналишларини белгилайди.

2. Дастур давлатчилигимиз ривожининг бой миллий-тарихий тажрибасига таянган ҳолда ишлаб чиқилган бўлиб, давлат мактабгача, умумий ўрта, ўрта махсус, касбий ва олий таълим ташкилотларини (кейинги ўринларларда – таълим ташкилотлари) бирлаштирувчи ягона миллий тарбиянинг яхлит тизимини яратиш, Ватанга садоқат ва фаол фуқаролик позициясини шакллантиришнинг вертикал тизимини амалга оширишга қаратилган.

Нодавлат таълим ташкилотлари миллий тарбия тизимини яратиш, ўқувчи ва талабаларни ватанпарварлик руҳида тарбиялаш ҳамда уларда ғоявий иммунитетни шакллантиришда ушбу Дастурдан фойдаланиши мумкин.

### **2-боб. Дастурнинг мақсади ва асосий вазифалари**

3. Дастурнинг мақсади таълим ташкилотларида миллий тарбияни изчил, тизимли ва самарали йўлга қўйиш орқали юксак маънавиятли, мустақил фикрлайдиган, давлат ва жамият манфаатларини ҳимоя қилишда қатъий фуқаролик позициясига эга, жаҳолатга қарши маърифат билан курашувчи ёш авлодни вояга етказишдан иборат.

4. Қуйидагилар мактабгача, мактаб, олий таълим тизимида ягона ғоявий тарбияни шакллантиришнинг асосий вазифалари ҳисобланади:

Дастурнинг стратегик ғояси, мақсад ва вазифаларига эришиш учун Ўзбекистоннинг **Миллий тарбия моделини** ишлаб чиқиш;

ёшларда мустақил ва бахтли ҳаёт учун зарур ижтимоий малака ва кўникмаларни ёшига мос, босқичма-босқич сингдириб боришнинг вертикал тизимини яратиш;

Дастурдаги вазифаларни таълим ташкилотларида амалга ошириш ҳамда мазмунга мос дастур ва режалар ишлаб чиқиш;

ҳар ўқув йилида таълим ташкилотлари учун Дастурдаги устувор йўналишлар асосида узлуксиз давом этувчи маънавий-маърифий тадбирларнинг намунавий иш режасини тасдиқлаш;

ҳафтанинг **ҳар душанба** куни долзарб мавзулар доирасида таълим ташкилотлари учун узвийлик ва узлуксизликни таъминлашга қаратилган “Келажак соати” дарси ўтилишини йўлга қўйиш;

“Келажак соати” дарси сценарийлари, видеоконтент маҳсулотларини ишлаб чиқиш ҳамда рақамли контент шаклида **“milliytarbiya.uz”** электрон платформасига жойлаштириш;

ҳар ўқув йилида маънавий-маърифий ишлар бўйича масъул раҳбар ва педагогларни рағбатлантиришга қаратилган “Миллий қадриятлар тарғиботчиси” республика танловини ўтказиш;

“оила-маҳалла-мактаб” тамойили асосида маҳаллалардаги маънавият, адабиёт, маданият, санъат намояндаларини ўз маҳаллаларидаги боғча ва мактабларга **“Миллий мураббий”** сифатида уларнинг розилиги асосида жалб этиш.

### **3-боб. Дастурни амалга ошириш механизмлари**

5. Ёш авлодни миллий қадриятлар ва ватанпарварлик руҳида тарбиялаш самарадорлигини ошириш бўйича мактабгача, мактаб, олий таълим тизимида яхлит тизимни яратиш мақсадида қуйидаги чора-тадбирлар амалга оширилади:

мактабгача ёшдаги болалар учун миллий қаҳрамон образини яратиш, эртақлар, афсона, дoston ва мақоллар асосида мультимедиа маҳсулотларини тайёрлаш, улардан болалар тарбиясида кенг фойдаланиш;

таълим ташкилотларида ёш хусусиятларини инобатга олган ҳолда, маънавий-ахлоқий, шахсий фазилатларни шакллантирувчи тренинглар, симуляция, кейслар ва методик тавсияларни амалиётга жорий этиш;

ўқувчи-ёшларда касблар тўғрисидаги тасаввурларни кенгайтириш, уларнинг касбга ва меҳнатга қизиқишини орттириш ҳамда ўз бурч ва вазифаларини виждонан бажариш кўникмаларини ҳосил қилиш;

тарбиянинг миллий ва илғор хорижий тажрибаларидан самарали фойдаланиш, миллий ғоя ва қадриятларни интерфаол, замонавий шаклда сингдириш, тарбиячи ва ўқитувчиларнинг малакасини ошириб бориш;

Дастур ва Миллий тарбия моделини амалга оширишда “оила – маҳалла – таълим муассасаси”, шунингдек, давлат ва нодавлат ташкилотлари, фуқаролик жамияти институтлари, оммавий ахборот воситалари ўртасида самарали ҳамкорлик механизмини йўлга қўйиш.

6. Дастур қуйидаги механизмлар орқали амалга оширилади:

ёш авлодни рақобатбардош, фидойи ва ватанпарвар, миллий қадриятлар, замонавий билим ҳамда кўникмаларга эга мутахассислар этиб тарбиялашнинг янги миллий технологияси – Ўзбекистоннинг **Миллий тарбия модели** яратилади;

ёш авлоднинг турли бузғунчи ғоялар, ахборот хуружлари, одоб-ахлоқни бузувчи иллатларга қарши иммунитетини шакллантиришга қаратилган тарбиявий контентлар, тарғибот материалларидан самарали фойдаланилади;

ёш авлодда миллий ватанпарварлик компетенциялари траекториясини белгилаш, кузатиш, ўлчаш, баҳолаш, яхшилаш ва ривожлантиришга қаратилган мониторинг юритилади.

7. Дастур қуйидаги уч босқичда амалга оширилади:

а) **биринчи босқич** – мактабгача таълим 3-6 ёшгача бўлган даврни қамраб олади. Бунда:

болаларда миллий ўзлик туйғусининг ривожланиши, ўз хатти-ҳаракатларини бошқариш ва ўзини намоён қилишга интилиш, теварак-атрофга муносабат кўникмалари шакллантирилади;

“Келажак соати” дарси доирасида намунавий иш режаси, болаларнинг ёшига мос хулқ моделларини ўргатишга доир тарбиячилар учун қўлланма, болаларга мўлжалланган зарур кўргазмали воситалар тўпламлари, қизиқарли дидактик материаллар тайёрланади;

болаларни ватанпарварлик руҳида тарбиялаш ҳамда ота-оналарнинг ҳамкорлигини кучайтириш мақсадида “Фарзандим билан ижод” лойиҳаси амалга оширилади;

б) **иккинчи босқич** – умумий ўрта таълим тизимида 7–18 ёшгача бўлган даврни қамраб олади;

“Келажак соати” дарси учун намунавий иш режаси, зарур қўлланма ва кўргазмали воситалар тўплами, сценарийлар, матнли, аудио, видеоконтент маҳсулотлар тайёрланади;

ўқувчилар онгида мафкуравий иммунитетни мустаҳкамлаш, буюк аждодларимизнинг маънавий меросини чуқур ўрганиш, ўзига ишонч, мустақил қарор қабул қилиш, соғлом дунёқараш, бағрикенглик, бурч ва масъулият фазилатлари шакллантирилади;

мактаблардаги “Келажак соати” дарсини ўтувчи синф раҳбарлари ҳамда ўқитувчилар учун Миллий тарбия моделини ўргатиш бўйича тренинг ва мақсадли малака ошириш ўқув курслари каскад усулида ташкил этилади;

в) **учинчи босқич** – ўрта махсус, касбий ва олий таълим ташкилотлари тизимида 16 – 22 ёшгача бўлган даврни қамраб олади;

“Келажак соати” дарси учун намунавий иш режаси, зарур қўлланма ва кўргазмали воситалар тўплами, сценарийлар, матнли, аудио, видеоконтент маҳсулотлар тайёрланади;

таълим ташкилотларида тўғри овқатланиш, спорт ва соғломлаштириш дастурларини ҳаётга татбиқ этишга қаратилган тадбирларни ўз ичига олган “Соғлом авлод – миллат келажаги” лойиҳаси амалга оширилади;

“Ўзликни англаш” туркумида “Миллий қадриятлар”, “Касб маданияти” ва бошқа методик таъминотга ёрдам берувчи ўқув адабиётлари тайёрланади;

ёшларни миллий қадриятлар ва ватанпарварлик руҳида тарбиялаш, талабалар спортини ривожлантириш ва соғлом турмуш тарзини кенг тарғиб қилиш мақсадида фундаментал, илмий ва инновацион лойиҳалар учун танловлар ўтказилади.

#### **5-боб. Дастурни амалга оширишдан кутилаётган натижалар**

8. Дастурда белгиланган вазифаларни амалга ошириш натижасида қуйидагиларга эришилади:

таълим тизимида миллий қадриятларга содиқ, маънавий баркамол, фуқаролик позицияси мустаҳкам, жамиятда ўз ўрнини тўлиқ англаган ёш авлодни тарбиялаш борасидаги мафкуравий-тарбиявий йўналиш шакллантирилади;

ватанпарварликни асосий қадрият сифатида қабул қилувчи маданий муҳитни шакллантириш ва ёшлардаги мафкуравий иммунитетни мустаҳкамлаш имкони яратилади;

таълим-тарбия соҳасида масъул вазирлик ва идоралар, нодавлат нотижорат ташкилотлар ҳамда фуқаролик жамияти институтлари билан ҳамкорлик йўлга қўйилади;

мактабгача таълимдан олий таълимгача бўлган узлуксиз таълим тизимида ягона миллий тарбия тизими яратилади;

таълим ташкилотларида тарбия модели методик комплекслар ва фанлараро дастурлар билан узвий боғлиқ ҳолда жорий этилади.

9. Дастур Янги Ўзбекистонда ёш авлодни маънавий юксалтириш, кенг дунёқарашга эга бўлиши, ватанпарвар ва жамиятда бўлаётган ўзгаришларга дахлдорлик ҳисси асосида тарбиялашга хизмат қилади.

#### **6-боб. Дастурнинг амалга оширилишини мониторинг қилиш**

10. Дастурнинг амалга оширилишини тизимли мониторинг қилиш, умумий мувофиқлаштириш, республикада таълим ташкилотлари ривожланишига тўсқинлик қилувчи муаммоли масалаларни тезкор кўриб чиқиш ва ҳал қилиш тегишлилиги бўйича Ўзбекистон Республикаси Мактабгача ва мактаб таълими вазирлиги ҳамда Олий таълим, фан ва инновациялар вазирлиги томонидан амалга оширилади.

11. Дастурни амалга ошириш мониторинги натижалари тўғрисидаги маълумотлар белгиланган муддатларда Ўзбекистон Республикаси Президенти Администрациясига ва Вазирлар Маҳкамасига киритиб борилади.

Узлуксиз таълим тизимида ёшларни миллий қадриятларга садоқат ва ватанпарварлик руҳида тарбиялаш  
самарадорлигини ошириш дастурини 2026 йилда амалга ошириш бўйича  
“ЙЎЛ ХАРИТАСИ”

Т/р	Чора-тадбирлар	Амалга ошириш механизми	Ижро муддати	Молиялаштириш манбаи	Масъул ижрочилар
1.	Таълим ташкилотларида маънавий-маърифий ишлар бўйича масъул раҳбар ва педагогларни рағбатлантириш мақсадида ҳар ўқув йилида “Миллий қадриятлар тарғиботчиси” республика танловини ўтказиш.	1. Тегшли идоралар ва ташкилотлар вакилларида иборат ишчи гуруҳ тузиш. 2. “Миллий қадриятлар тарғиботчиси” республика танлови тўғрисидаги низомни ишлаб чиқиш ва тасдиқлаш. 3. Режа асосида танловнинг туман, шаҳар, вилоят ва республика босқичларини ўтказиш. 4. Танловни юқори савияда ташкил этиш ва ғолибларни рағбатлантириш.	2026 йил февраль  2026 йил апрель  Режа-жадвал асосида  2026 йил ноябрь	Ижрочилар маблағлари	Мактабгача ва мактаб таълими вазирлиги, Олий таълим, фан ва инновациялар вазирлиги
2.	Мактабгача, мактаб ҳамда олий таълим ташкилотларида ёшларни миллий қадриятларга садоқат ва ватанпарварлик руҳида тарбиялаш самарадорлигини ошириш дастурининг стратегик ғояси, мақсад ва вазифаларига эришиш учун Ўзбекистоннинг Миллий тарбия моделини ишлаб чиқиш.	1. Экспертлар гуруҳини шакллантириш.  2. Миллий тарбия модели бўйича қўшма қарор лойиҳасини ишлаб чиқиш ва тасдиқлаш.	2026 йил февраль  2026 йил июнь	–	Мактабгача ва мактаб таълими вазирлиги, Олий таълим, фан ва инновациялар вазирлиги, Республика Маънавият ва маърифат маркази, Таълимни ривожлантириш республика илмий-методик маркази



3.	“Келажак соати” дарси учун миллий контентларни ишлаб чиқиш жараёнларига, шунингдек, “Оила – маҳалла – таълим ташкилоти” ҳамкорлик механизми асосида таълим ташкилотларида китобхонлик кечалари ҳамда маданий учрашувларни ташкил этишда таниқли театр ва кино актёрлари, фаол жамоатчилик вакиллари, шоирлар ҳамда ёзувчиларни жалб этиш.	1. Таниқли театр ва кино актёрлари, маънавият тарғиботчилари, шоирлар, ёзувчилар рўйхатини тузиш. 2. Миллий контентларни ишлаб чиқиш жараёнларида таниқли театр ва кино актёрлари, маънавият тарғиботчилари, шоирлар, ёзувчилар иштирокини таъминлаш. 3. Сифатли ва намунавий контентлар ишлаб чиққан соҳа мутахассисларини рағбатлантириш чораларини кўриб бориш.	2026 йил февраль доимий	–	Мақтабгача ва мактаб таълими вазирлиги, Олий таълим, фан ва инновациялар вазирлиги, Маданият вазирлиги, Ўзбекистон маҳаллалари уюшмаси, Республика Маънавият ва маърифат маркази, Ёзувчилар уюшмаси
4.	Республикадаги ҳар бир туман (шаҳар)да фаолияти йўлга қўйилган “Жасорат мактаби” ўқувчилари ўртасида икки босқичдан иборат “Жасорат ўқунлари” ҳарбий-ватанпарварлик ва спорт мусобақасини ўтказиш.	1. “Жасорат ўқунлари” ҳарбий-ватанпарварлик ва спорт мусобақасини ташкил этиш юзасидан ишчи гуруҳ тузиш. 2. “Жасорат ўқунлари” ҳарбий-ватанпарварлик ва спорт мусобақасини ташкил этиш ва ўтказиш тўғрисидаги қўшма қарор ҳамда Низомни тасдиқлаш. 3. Мусобақа ғолибларини аниқлаш ва муносиб тақдирлаш. 4. Республика босқичида биринчи ўринни эгаллаган ғолиб жамоани хорижга таълим саёҳатига юбориш.	2026 йил февраль 2026 йил май 2026 йил июль	–	Мудофаа вазирлиги, Ички ишлар вазирлиги, Фавқулодда вазиятлар вазирлиги, Миллий гвардия, Ёшлар ишлари агентлиги, Мақтабгача ва мактаб таълими вазирлиги
5.	“Ўзликни англаш” туркумида “Ўзбек педагогикаси”, “Ўзбек маданияти”, “Ўзбек фалсафаси” ва бошқа методик таъминотга	1. Ўқув адабиётларини яратувчи муаллифлар гуруҳини шакллантириш.	2026 йил февраль	Маънавият ва ижодни қўллаб-қувватлаш	Республика Маънавият ва маърифат маркази, Таълими ривожлантириш

	ёрдам берувчи ўқув адабиётларини тайёрлаш.	2. Ўқув адабиётларини тайёрлаш. 3. Ўқув адабиётларини Маънавият ва ижодни қўллаб-қувватлаш жамғармаси маблағлари доирасида ажратилган грант ҳисобидан чоп этиш.	2026 йил май 2026 йил декабрь	жамғармаси маблағлари	республика илмий-методик маркази, Олий таълим, фан ва инновациялар вазирлиги, Мактабгача ва мактаб таълими вазирлиги
6.	Мактабгача таълим ташкилотларида “Фарзандим билан ижод”, мактаб ва олий таълим тизимида “Соғлом авлод – миллат келажаги” ва “Экофаол ёшлар” лойиҳаларини амалга ошириш.	1. Лойиҳаларни ташкил этиш дастури ва сценарийсини ишлаб чиқиш. 2. Ишлаб чиқилган сценарийлар асосида лойиҳа доирасидаги тадбирларни юқори савияда ўтказиш.	2026 йил март 2026 йил апрель-май	Ижрочилар маблағлари	Мактабгача ва мактаб таълими вазирлиги, Олий таълим, фан ва инновациялар вазирлиги, Маданият вазирлиги, Соғлиқни сақлаш вазирлиги, Спорт вазирлиги
7.	Таълим ташкилотларида ташкил этилган “Ватан таянчи” ҳаракати аъзоларининг ҳарбий-ватанпарварлик форумини ташкил этиш.	1. Форумни юқори савияда ташкил этиш ва ўтказиш дастурини ишлаб чиқиш ва тасдиқлаш. 2. Форумни ташкил этиш ва унинг доирасида: Қуролли Кучлар таркибига кирувчи вазирлик ва идораларнинг раҳбарлари ва “Ватан таянчи” ҳаракати аъзолари ўртасида очик мулоқотлар ташкил этиш; мактабни аъло баҳолар билан тамомлаган “Ватан таянчи” ҳаракати аъзоларига тантанали равишда имтиёзли тавсияномалар топириш;	2026 йил май 2026 йил июнь	“Ватан таянчи” болалар ва ўсмирлар ҳарбий-ватанпарварлик ҳаракатини ривожлантириш жамғармаси маблағлари	Мудофаа вазирлиги, Ёшлар ишлари агентлиги, Ички ишлар вазирлиги, Фавқулодда вазиятлар вазирлиги, Миллий гвардия, Мактабгача ва мактаб таълими вазирлиги

		Ўқув йили давомида юқори натижаларга эришган “Ватан таянчи” ҳаракати аъзоларини тақдирлаш.			
8.	Талаба кизлар ўртасида “Тўмарис издошлари”, талаба йигитлар ўртасида “Амир Темур ворислари” номли ҳарбий-спорт мусобақаларини ўтказиш.	1. Ҳарбий – спорт мусобақалари низомини ишлаб чиқиш ва тасдиқлаш. 2. Белгиланган техник талабларга асосида ҳар бир ҳудуддаги битта олий таълим ташкилотидида мусобақаларни ўтказишга мос равишда жиҳозлаш. 3. Мусобақаларни юқори савияда ташкил этиш.	2026 йил май  2026 йил давомида	Ижрочилар маблағлари	Олий таълим, фан ва инновациялар вазирлиги, Мудофаа вазирлиги, Спорт вазирлиги, Ёшлар ишлари агентлиги
9.	Таълим ташкилотлари учун Дастурдаги устувор йўналишлар асосида узлуксиз давом этувчи Маънавий-маърифий тадбирларнинг намунавий иш режасини ишлаб чиқиш.	1. Ҳар ўқув йили учун Маънавий-маърифий тадбирлар намунавий иш режасини ишлаб чиқиш ва тасдиқлаш. 2. Иш режасида белгиланган тадбирларни юқори савияда ўтказиш.	2026 йил 1 сентябрга қадар  Белгиланган муддатларда	–	Мактабгача ва мактаб таълими вазирлиги, Олий таълим, фан ва инновациялар вазирлиги
10.	Мактабгача, мактаб, ўрта махсус, касбий таълим ташкилотларида ҳафтанинг ҳар душанба кунини “Келажак соати” дарсини ўтказишни йўлга қўйиш. Олий таълим ташкилотларида дарс жадвалига мувофиқ “Келажак соати” руқни остида Маърифат дарсларининг мунтазам ўтилишини ташкил этиш	1. Ўқув йили учун дарс мавзуларини ишлаб чиқиш ва тасдиқлаш. Бунда Ўзбекистон Республикаси Президентининг Олий Мажлис ва Ўзбекистон халқига мурожаатномаси мазмунини ва моҳиятини ҳамда “Ўзбекистон – 2030” стратегиясининг асосий йўналишлари ва мақсадлари	2026 йил июль  2026 йил август	Ижрочилар маблағлари	Мактабгача ва мактаб таълими вазирлиги, Олий таълим, фан ва инновациялар вазирлиги, Болалар контентини ривожлантириш маркази

		<p>хақида тушунча ва кўникмаларни беришга алоҳида эътибор қаратиш.</p> <p>2. Долзарб мавзулар доирасида, дарс сценарийларини ишлаб чиқиш, видеоконтент маҳсулотларини тайёрлаш режа-жадвалини тасдиқлаш.</p> <p>3. Режа-жадвалга мувофиқ дарс сценарийлари ва видеоконтент маҳсулотларини тайёрлаш.</p> <p>4. Тайёрланган барча методик материалларни “milliytarbiya.uz” электрон платформасига жойлаштириш.</p>	Режа-жадвал асосида		
11.	<p>Умумий ўрта таълим ташкилотларидаги “Келажак соати” дарсини ўтувчи синф раҳбарлари учун малака ошириш ўқув-мақсадли курсларини каскад усулида ташкил этиш.</p>	<p>1. “Келажак соати” дарсини ўтувчи синф раҳбарлари учун малака ошириш ўқув курсларининг режа-жадвалини тузиш.</p> <p>2. Тасдиқланган режа-жадвал асосида малака ошириш ўқув курсларини каскад усулида ташкил этиш.</p>	2026 йил август	–	Мақтабгача ва мактаб таълими вазирлиги
12.	<p>Ёш авлодни миллий қадриятларга садоқат ва ватанпарварлик руҳида тарбиялаш борасида амалга оширилаётган ишларни ёритиш.</p>	<p>1. Ёш авлодни миллий қадриятларга садоқат ва ватанпарварлик руҳида тарбиялаш бўйича ўтказилаётган тадбирлар тўғрисида ахборот материалларини тайёрлаш.</p> <p>2. Тайёрланган материалларни ОАВ ва ижтимоий тармоқларда кенг ёритиш.</p>	2026 йил давомида	–	Мақтабгача ва мактаб таълими вазирлиги, Олий таълим, фан ва инновациялар вазирлиги

